

PRONTU ATU SERBI (PAS)

Vizaun Jerál kona-ba Organizasaun no Aprosimasaun kona-ba Jéneru

Prontu Atu Serbi (PAS), ne'e ONG Timor oan ida iha Becora, Dili. Organizasaun ne'e harii iha tinan 1997 husi Maria Dias ne'ebé dadaun ne'e kaer pasta nu'udar Diretora Board Rede Feto nian. PAS bazeia nia filozofia iha Umakreda Katólíka nia hanorin. Nia halo servisu atu hametin comunidade Becora ninia perspetiva, nia moris-di'ak no nia auto-sufisiénsia ba loron-aban. PAS iha vizaun ida katak oras-ne'e Timor-Leste nia órgaun governu sira laiha kbiit atu fó apoiu loloos ba comunidade lokál, liu-liu iha area saúde no edukasaun ninian, tanba ne'e comunidade lokál tenki halo saida mak sira bele tuir sira rasik nia hanoin no bele. Nune'e, PAS defende katak dezvoltimentu nasional tenke hala'o husi comunidade lokál ba leten, la'ós husi governu sentral ba kraik. Organizasaun ne'e hadia nia an atu hatan ba comunidade nia nesesidade sira ne'ebé importante no urjente liu iha momentu spesífiku ruma.

Liu husi adaptasaun ba programa no atividade sira, organizasaun ne'e fó importánsia boot tebes atu fó kbiit ba feto, labarik no jovem sira. To'o 2020, tinan ne'ebé identifika ona hanesan objetivu Planu Dezenvolvimentu Nasionál Timor-Leste ninian, PAS hakarak labarik Timoroan sira iha jersaun ida agora ne'e atu sai pozitivu, iha konsiénsia sívika, eduka juventude sira atu hetan perpetiva ida di'ak kona-ba empregu. PAS hakarak mós atu fó laran-brani ba setór sira ne'ebé baibain marjinalizadu iha populasaun nia leet, hanesan jovem no feto sira, atu partipsa iha prosesu ekonómiku, organizasaun komunitária no vida sívika.

Nune'e mos haforsa feto sira, liu husi edukasaun hodi bele manaan abilidade no koenesimentu, PAS buka mós atu oferese apoiu ba feto iha sira-nia knaar nu'udar inan. PAS haree katak família barak fó presaun ba inan sira no dala-ruma limita inan sira-nia oportunidade, Nune'e, bainhira asegura oportunidade edukasaun no servisu saúde labarik sira, no mós bainhira fó laran-brani ba labarik sira atu labele haluha sira nia responsabilidade iha uma-kain laran, organizasaun ne'e buka atu hamenus todan ba inan sira. PAS buka mós atu kria ligasaun entre feto sira iha comunidade lokál no organizasaun sira seluk, hanesan organizasaun sira ne'ebé halo parte iha Rede Feto.

Programa

PAS hala'o atividade oin-oin, atividade sira-ne'e barak bele klasifika iha area saude comunidade nian, treinamentu no edukasaun, no atividade komunitária.

Promosaun Saúde Komunitária no Servisus

PAS ho comunidade Becora halo servisu iha area prevensaun hasoru moras, tratamentu saude no saude nehan. Klínika saúde no dental mak parte programa PAS nian iha Becora, no organizasaun ne'e vizita eskola lokál sira hodi hanorin labarik sira kona-ba ijiene no oferese servisu dental gratuita ka saugati. PAS fornese mós facilidade hela-fatin no tratamentu ba ema sira ne'ebé iha moras mear-raan.

Treinamentu no Edukasaun

PAS nia atividade kona-ba treinamentu no edukasaun foka liu-liu ba labarik, jovem no feto sira. Iha kualkér altura PAS bele iha partisipante liu ema na'in atus rua (200) partisipa iha

atividade hirak ne'e. PAS konsidera liu-liu alfabetizasaun no numerasaun hanesan importante tebes ba comunidade nia futuru. PAS la haree de'it ba alfabetizasaun no numerasaun hanesan esensial ba perspectiva empregu nian, maibe importante mos atu fo kbiit ba populasaun atu envolve iha prosesu sosial no politiku nasional hanesan sidadaun ativu, informadu.

PAS mos oferese atividade edukasaun informal no mos identifika dalan atu hatutan ba tividade edukasaun formal ne'ebe organizasaun sira seluk oferese. Atividade hirak ne'ebe envolve labarik, inklui edukasaun kona-ba labarik sira-nia direitu no dever no formasaun kona-ba moral no relijiaun. PAS fo mos korajen ba comunidade atu kria kondisaun di'ak atu labarik sira bele estuda. Programa jovem nian inklui formasaun kona-ba lideransa no kursu komputador. Treinamentu ne'ebe envolve fetu iha tendensia atu dezenvolve oportunidade ne'ebe kria rendimentu, hanesan fo treinamentu kona-ba oinsá atu maneja restaurante no koñesimentu kona-ba suku roupa. PAS hala'o mos konkursu ba labarik, jovem no fetu sira kona-ba sidadania. Iha programa konkursu ne'e nia fo premiu ki'ik oan sira hanesan osan no sasan hodi fo motivasaun ba ema atu participa. Molok atu hala'o programa hirak ne'e, membru comunidade sira bele empresta livru atu hasa'e sira-nia koñesimentu kona-ba topiku ne'ebe refere.

Atividade Komunitaria

PAS organiza atividade komunitaria oin-oin, ne'ebe deseina atu hasa'e comunidade nia espiritu, solidariedade no moris-di'ak. alende atividade edukasaun no treinamentu ne'ebe menciona iha leten iha mos atividade desportu, hamoos luron no sesaun muzika no reza. Membru comunidade sira-nia estadu mental hetan impaktu husi trauma oin-oin. Halibur hodi hala'o atividade no halo refleksaun spiritual, ne'e parte importante ida iha prosesu koletivu atu kura trauma ne'e.

Kontaktu

Tel: (670) 723 3035 (Director Maria Dias)
Address: Klinika PAS, Becora

Husi: Trembath, Anna no Damian Grenfell, Mapa ba Lala'ok Buka Igualdade Jeneru: Atividade Ajensia La Governamental no Internasional nian iha Timor-Leste, Globalism Institute, RMIT University, Dili, July 2007, ISBN 978-0-646-47770-1, pp. 65-66.